

臨江縣志

卷首

序

凡例

編修館人員題名錄

照片

圖

目錄

縣江縣志 卷首 序

臨江縣志序

考周官外史掌四方之志班氏漢書備列十志是為志之權輿志者記其事也凡境內山川土地人事物產民情良莠風俗純漓以及政治沿革損益兼搜並取筆之於書代遠年湮時移事異上以備獻軒之採下以供政據之資不第文獻足徵尤為憲章所賴邱瓊山嘗言世有不刊之書而無不葺之志此一縣之志關係不綦重歟查民十四年曾有通令修志明文何臨江尚付闕如茲幸

紹先劉大令有鑒及此從事監修歷經年餘輯成全帙條分縷析綱舉目張俾事物昭而得失明典故詳而興衰著後之覽者對於遠古近今新陳代謝及國計之盈絀民生之休戚每一開卷朗若列眉誠所謂前者後之師往者來之鑑也志成將付剞劂問序於余余本不文義難緘默聊贊數言於簡端爾
康德二年一月吉日安東省民政廳長許桂恒序

臨江縣志序

劉君維清宰臨江之明年以所創編臨江縣志告成乞余一言為之序余固未觀斯志內容之何若也將為從而序之顧聞劉君治臨江政績丕著亟亟然以文獻無徵為慮設館專修歷年而始脫稿其搜集之宏富纂記之詳明哀然蔚為一縣文獻之鉅製固可懸揣而必之也雖然古今時勢不同修縣志者秉筆之所注視亦古今而各有異在昔視縣志為一縣之史屬詞比事竊取於春秋記其事足以明其義而已足故略於今而獨詳於古比比然矣當今之世庶政繁興百端待舉華華者蓋若治安實業教育財政交通諸大端刻刻在努力邁進之途而必於是焉採其要鈎其元以為臨民發政之龜鑑故謂縣志為一縣之信史無寧謂縣志為一縣之統計為尤親切而實用然則今之修志雖不必略於古豈可不詳於今乎劉君為賢縣長其治臨江奕然以休明庶政為職念則斯志之成凡關於正德利用厚生諸要政當必詳載靡遺其有裨益於縣政之進行厥功甚偉蓋不徒供夫徵文考獻者之展玩慨慕焉已也謹書數語以報之且嘉其志云

康德二年一月十五日安東省公署教育廳長孫文敷謹識

臨江縣志序

江文通曰史莫難於志洵以史載傳記體裁率有定制據事直書斯稱良史志獨不然必先識其奧旨
權其輕重取精用宏務求慙心貴當難於著筆固不待言爰余更為進一解曰編纂郡縣志來為尤難
甚至志難於治蓋凡簿領一即不耗慎守官箴先勞無倦已足盡治理之能事矣若夫主輯縣志者首
須是鳳里開才清洞悉各具所長斟酌付託若任主輯或任協修或任採訪或任校訂分門別類廣事
蒐羅然後彙集併獲詳加審覈量予增刪修補幾經考察始有端倪而全縣之天時節候疆界河山武
功文事禮俗政績產業宗教藝苑節孝名宦鄉賢諸端於是粲然美備顧將事之初綱目浩繁欲期掌
故翔實立言得體其難於治術奚啻倍蓰臨江地毗隣封夙號東邊重鎮民風古樸物產豐饒建國以
還邦家益高國境要衝愈應重視推志乘失修文獻無徵未由採風問俗識者憾焉吾
師劉公紹允遷於考据久播令譽初蒞縣長任時即以編纂縣志為急務當邀邑內知名諸君子竭慮
殫精分任纂輯現竟成功其脫稿之速令人驚嘆不置余客冬奉檄來安職司新省實業喜近吾
師不時親教且嘗聞其治績私衷愉快非可言喻茲復獲覘此舉想見汲汲求治之餘仍致力於纂志
以躬勞瘁未顧及以後權縣篆者既免無軌可尋而邑之賢者潛德不致湮沒不彰誠一舉備兼數善
臨民何幸胡竟遇此賢宰官耶至縣志中之宏文傑構吾

師聞望久已昭昭在人耳目游夏未遑贊一辭也是為序

康德二年春莫安東省公署實業廳廳長范垂紳謹識

臨江縣志序

縣政經緯萬端是以提縣篆者必先考其政教禮俗土質土宜典章文物山川名勝兵防警備俾期鑒諸往者興替隆污因革損益以資去故就新使疏者以密闕者以完為施政之張本孔子曰文獻足則吾能徵蓋一縣之文獻視乎志苟無志書輒求治者將何所徵志之重且要也如此臨江縣自清光緒二十八年設治以來迄今已逾數十年乃縣志尚付闕如誠憾事也雖經張公克湘等歷任倡修或以中途去職或以經費無著或以人材難聘或以脫稿板焚屢致中止迨經董前縣長敏舒蒞任復行倡修稿甫及半即經事變盡付劫灰大同元年七月間維清奉

命來宰是邑適值灰燼之餘匪患未清居民流離剝撫補救為當務之急擘畫籌策日無暇晷閱六月之久縣境稍告安靖斯時諸政待理苦無志書何所徵稽乃斐然欲作遂於大同二年六月闕聘本邑及客籍耆紳荷儒設專館以任其事當聘邑紳張之言為館長開原羅寶書為主輯邑儒曲銘郭殿翰兩先生分任編輯之勞不意十月間未竟全功羅君即行作古復聘邑儒邱在官為主輯經十六閱月方全脫稿是書出自草創兼以時局不靖搜采或有未備自難辭簡略疏陋之譏不過大輅椎輪開之光

臨江縣志 卷首 序

六

聲後有作者將發揮而光大之增加而刪芟之是為深幸焉刻或諸君復以弁言為請因此筆述其崖略如此

大清洲帝國康德元年十一月臨江縣縣長劉維清謹誌

臨江縣志序

縣之有志猶國之有史所以志往事而取信於後世也臨江向無志書迨民國十五年秋知縣張克湘奉令編修縣志擬於一年完成嗣以解職無形停頓歷經袁張董等三縣長之過從六七載之光陰特以籌備失當責成不專任事者多數衍塞責終未產出誠憾事也壬申秋縣長劉公以經綸幹濟之才接篆於事變之後公夙人毅然以修縣志為急務限以六個月完成之言不才蒙委館長之職汲深綆短時虞弗勝加以經費支絀期限短促欲合一縣之人事地理並數十年之沿革變遷條分縷晰一朝而成巨帙斯已難矣惟幸縣長劉公實心提倡獎勵有方主輯羅君深於斯道督飭編修曲郭二君朝夕鉅青為時五閱月未竟全功而羅君作古復聘邱君在官繼任主輯十六閱月費款一千五百餘元而數年未成之志書於焉蕙事雖東鱗西爪未臻完善而挈領提綱大體粗具按圖索驥凡臨江之人事政治山川物產兵防警備諸大端不待旁搜遠探已瞭然於一覽之中對於將來之設施已往之追求未必無小補焉惟臨江設治最晚遠乏足徵之文獻近無可採之風詩欲免疏淺謬陋之謂難矣

深望後之君子踵此粗成之跡繼長增高有以補其偏而救其弊俾此志益臻完備是之言殷殷所企望者也

序
康德元年十一月財務局長兼縣志編修館館長張之言謹識

序

竊讀兩漢循吏傳輒私心嚮往每太息古今人之不相及顧今之世安所得郭細侯朱神君賢令尹耶大同二年秋于役臨江則聞邑之四民婦孺咸稱劉侯為賢父母誌屢從學劉公門下已深景仰道德文章及進忝屬末始知公不獨學行冠一時即從政亦復慈愛廉明謳歌百里所謂郭細侯朱神君其人者向欲見而不得見今乃見之矣公治臨之明年百廢俱舉諸政刷新有鑒於臨江自設治迄今歷數十稔而縣志仍付闕如遂毅然從事編輯籌資設館禮聘耆宿詳採博攷鉅細靡遺經營數月竟克脫稿公尚虞主輯者百密不無一疏每日政務之餘不事休息躬自校訂幾至廢寢忘餐亦可見公之貞心毅力矣縣令為親民之官民生休戚地方利弊長吏或不知縣令必盡知之俾審時度勢斟酌損益以日求無負斯民則斯志告成不獨記載風土人文直治謬耳儻後之官是地者分類以求則而效之安知斯志不即可為後之師耶是公造福於臨民者匪淺示規模於後來者遠大也方之王儉七志無多讓焉至文墨之豐贍富麗自有定評非游夏所能贊其創修始末及經過事實已載公自序中

無須贅述也志將付梓題序多當代名流鉅公認根抵淺薄何敢妄言惟公之苦心孤詣豈可默而不彰因不避粗疏謹為之序

康德二年孟春臨江縣內務局長佟 德謹序

臨江縣志序

語云非有馬班之才學識不足以作志東吁此言迂矣蓋志誌也以文字實誌其事文直事確信而有徵而已兩漢之後馬班之才不世出而志書之記載又為時遷事變之要政必待其人而後行無怪志書之罕見政治家之無自參考也吾臨邑設治三十年有奇矣向無志書之著述自民國十五年知縣張公奉省令編修志書在官亦濫竽編輯之數工未及半而不慎於火付之焚如嗣後縣長董公聘賢編輯二載之久稿未完竣又付劫灰大同元年劉公紹先來治斯邑即以編修縣志為要務籌設專館委內務局長張君之言兼編修館長招集全縣各機關法團人士分任其事特聘羅君志者主編修任並函知各區村機關廣搜博採務求詳備不意羅君因病捐館乃函致在官由嶺西而來承羅君之乏在官才疎學陋知識謏薄何克當此幸蒙縣長悉心糾正囑以務要文體明潔事實確鑿不愧縣志為宗旨是以事稍無稽詞涉虛譽皆不錄但時間短促文獻無徵對於撰述不無簡略對於文體或近俚俗難免識者之譏深望後之君子本此初成之基藉作續修之資俾斯志精確詳備與信史相媲美是

在官所深望也是為序

康德元年十二月繼任主輯邱在官謹序

臨江縣志序

臨江縣志創修於民十五年秋知縣張克湘開館編輯聘縣署秘書張成志為館長一科科長為總編修其下編修六人銘居其末朝夕鉛青為時已八閱月焉嗣因張公解職無形停頓而區區之稿於十六年冬又遭焚如此臨江縣志所以落於鄰縣之後也幸大同元年秋縣長劉公蒞任是邦以通淹博雅之才於勵精尚治之餘雷厲風行開館重修銘也不才仍居編修之列以衰殘之年空疏之腹而膺此重任亦惟隨諸君子之後勉為其難而已夫修志豈易事哉必才學識三者兼全始克臻完善而取信後世如司馬子長之史記班孟堅之地理志宋儒猶指其瑕而譏之况後人哉况銘也哉銘自受任以來汲深綆短時虞隕越主輯羅君深於斯道編修郭君才識兼備繼任主輯邱君尤學識優長銘得朝夕就正借銷他山濫竽於始附驥於終是一生之最幸事也夫志為史之一種事實不重文字若略事實專求文字之工整則失修志之真諦矣臨江設治最晚昔日人事之變遷政治之改革多無文獻可考茲特取其信而有徵者筆之於編創成粗略之跡以備宰斯邦者置一編於左右於一縣之政治人事地理禮俗以及數十年來之因革損益諸大端均可得其要領按圖索驥於縣政之設施未必無

小補焉尤願後之君子就此粗成之跡續而修之俾質勝於文以免謏陋之譏錄之所切望也表為序
康德元年十二月編輯曲 銘謹識

臨江縣志序

志為史之一種周禮大司徒掌天下土地之圖小史外史掌邦國四方之志是為志之濫觴若縣之有志始於宋之嘉定蔡範甫撰黃岩志十六卷李瞻撰旌川志八卷雖體例有詳略文字有雅俗皆所以志一縣之人事天文地理彙集成編傳之後世俾考察縣政者有所遵循甚矣縣志之不可不作也臨江自設治以來記事之書素稱闕如民國十九年縣長董公設館修志殿翰奉召來臨朝夕編輯越二年旋經事變已脫之稿盡付劫灰大同元年秋縣長劉公來治是邦以幹練之才淵深之學常以臨江無志為憾事越明年六月毅然以修縣志為急務創設專館雷厲風行限以六個月完也不才仍居編修之列與曲君松菴朝夕鉛青銅以羅君作古邱君繼任經十六閱月方全脫稿據一縣之事修一縣之志提綱挈領據實直書舉凡天時人事地理政治山川形勢交通物產社會狀況風俗淳澆諸大端莫不條分縷晰瞭如指掌其事屬傳聞無實跡可考者皆屏棄不載似可謂之志矣惟文獻無徵事實不無簡略難免貽譏於大雅但棲壘之高基於尺寸江河之大始於涓滴深願後之君子續修斯志增加之筆削之發揮而光大之是幾幾者或有尺寸涓滴之益歟是為序

康德元年十二月編輯郭殿翰謹識

凡例

一 臨江縣志於民國十五年暨十七年兩次編修嗣縣署因罹火災原稿被燬無餘至十九二十兩年復經重編旋遭事變已脫之稿盡付劫灰迄滿元七月劉維清縣長履新後重新開館從事丹鉛成為巨帙凡輿地政治交通物產人物等八卷

一 輿地志內關於沿革由黃帝迄近代於各朝代下釋以屬於某州某府等字樣並於其左繫以註解及簡明表更於其後附以沿革志略以清眉目而邊界幅員地勢城鎮山脉河流等項均經逐一編載至星野無稽之說概行從略

一 關於縣境里數宜按我國新頒度數記載但以習慣關係仍以華里為標準

一 古代建築物迄今未得一覩茲編所載僅就迄今所有之城池衙署局所兵防等詳為述之

一 臨江設治伊始凡百政治均極簡略近數年來地面稍靖人煙漸稠而政治亦漸繁冗故政治志內往昔多略近今較詳迄滿洲帝國成立刷新政治歷次改組亦均逐項載明之

一 臨江設治較晚五方雜處良莠難分近人事益繁禮俗不甚一致故禮俗記載略不詳

一 縣內人物雖無世族而鄉賢薦紳義勇義舉堪稱述者均按實紀載用作模範至制科一項雖無

科舉尚有大學畢業得有學位者亦均分別詳載以勵來者

一 關於孝節賢淑均以曾請旌表及確有事實可稽者為限其餘虛詞加譽泛浮寡當者皆略而不錄以示鄭重

一 關於兵事參閱古籍中所述及者採編一二近今之兵事亦分述之以備參考

一 災祥一項僅就設治後所發生者分別編載以備後之君子之研究

一 文藝一事投稿甚夥惟浮煙漲墨稍欠雅馴者皆刪去之茲編所載僅就向來之金石文字及近來之歌詩採編數則以俟後之文學家再行補充

一 臨江設治較晚縣志向付缺如此編純為草創文獻無徵內容簡略在所不免現因時間倉卒先行付梓以備將來之參攷

一 編修館成立後通知各區村各機關各學校文學士子採訪投稿者一百五十餘人投稿甚夥嗣經審查取錄時凡事涉渺茫俚俗者一概刪去

一 採訪人員甚夥凡經審察會取錄各稿其採訪員姓名方行列入

一 志書舊例目錄平列茲為清晰眉目計列總目為十五總目之下各列分目若干庶事有統攝語

有綱領

監修

臨江縣縣長

劉維清

館長

臨江縣財務局長

張之言

主編

臨江縣清鄉承審員

羅寶書

繼任主編

臨江縣師中學校國修教員

邱在官

編輯

臨江縣立師中學校主任教員

曲銘

臨江縣立女師學校教員

郭殿翰

繪圖

臨江縣立興華街兩級小學校校長

于廣濤

臨江縣志 卷首 題名錄

七

校勘

臨江縣公署總務科長

高廷鈞

臨江縣公署內務局長

佟 諒

臨江縣立師中學校校長

孫培昌

臨江縣財務局理財股長

關承尹

採訪

臨江縣司法公署監督審判官

佟景明

臨江縣公署警務局長

溫寶泉

臨江縣警察大隊隊長

趙金山

臨江縣八道江警察署長

王海亭

臨江縣八道江財務徵收所長

楊錫齡

八道江財務徵收所催員

常萬年

臨江縣立興華街兩級小學校教員

鄧維善

臨江縣立師中學校訓育主任

劉贊福

臨江縣立女子小學校正教

臨江縣立師中學校附小教員

臨江縣前財政局催員

臨江縣立興華街兩級小學校長

臨江縣財務局科員

臨江縣總務科科員

臨江縣前警務股員

臨江縣三隊警務署內勤警長

臨江縣立女子小學校教員

臨江縣立初中第二級學生

同 上

同 上

同 上

臨江縣立師範第四級學生

王學禮

柏殿生

王永祥

于廣濤

李文閣

高櫟

高曉樓

劉曼

安洪賓

孫德琦

于克勤

徐法淳

梁毓輝

劉秉三

臨江縣志 卷首 題名錄

臨江縣立師範第四級學生

李春山

同

朱文彬

同

曲桂林

同

于湧川

臨江縣立師範第五級學生

侯彥文

同

耿福林

膳錄

臨江縣公署書記

李文博

臨江縣公署書記

馮駐山

同

劉聖述

同

韓雲鵬

同

白景山

同

郭萬臣

同

陳錫九